



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.374/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Skender Çoçaj kryesues, Kymete Kicaj dhe Arsim Hamzaj anëtarë, duke vendosur përkitazi me ankesat e subjektit politik Lëvizja Vetëvendosje (LVV) me seli në Prishtinë, paraqitur kundër subjektit politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 07.02.2025, merr këtë:

VE N D I M

I. Refuzohen të pabazuara ankesat e subjektit politik Lëvizja Vetëvendosje (LVV), me seli në Prishtinë, Anr.374/2025 dhe 375/2025, të datës 04.02.2025.

Paraqitur kundër Subjektit Politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025

A r s y e t i m

Me datën 04.02.2025 PZAP-i, ka pranuar ankesat e identifikuara me numër Anr.374/2025, dhe Anr.375/2025, nga subjekti politik Lëvizja Vetëvendosje (LVV), me seli në Prishtinë, kundër subjektit politik Partia Demokratike e Kosovës (PDK).

- Në ankesën Anr.374/2025, pretendohet se me 4 Shkurt 2025, Qendra e Lëvizjes VETËVENDOSJE në Prishtinë, gjatë monitorimit të tubimeve politike dhe fushatës zgjedhore, kanë vërejtur gjuhë denigruese dhe fyese nga kandidati për deputet z.Artan Behrami në tubimin në Kqiq-Mitrovicë, më datë 03.02.2025 të PDK-së, me çka mandatin e fundit qeverisës dhe Kryeministrin Kurti dhe Ministrat tjerë i quan lider përçarës dhe të izoluar nga aleatët.

Ankesës ka bashkangjitur si provë CD nga fjalimi.

- Ndërsa në ankesën Anr.375/2025 pretendohet se me 4 Shkurt 2025, Qendra e Lëvizjes VETËVENDOSJE në Prishtinë, gjatë monitorimit të tubimeve politike dhe fushatës zgjedhore,

kanë vërejtur gjuhë denigruese dhe fyese nga kandidati për deputet z.Hisen Berisha në postimin e tij në facebook, më 03.02.2025 të PDK-së, me çka mandatin e fundit qeverisës dhe Kryeministrin Kurti dhe Ministrat tjerë i quan “ të pa aftë dhe mashtrues” si dhe deklarata se “ Qeveria dhe Ministria duhet të përballen me drejtësinë për tradhëti ndaj interesit shtetëror”.

Ankesës ka bashkangjitur si provë CD nga fjalimi si dhe

Provë: Linku i postimit

<https://www.facebook.com/share/p/1BVEdiPGET/>

Sipas parashtruesit të ankesave theksohet se me këtë veprim subjekti politik PDK ka bërë shkelje të nenit 34, paragrafi 1 nënparagrafi 1.11, të Ligjit Nr.1.11, të Ligjit Nr.08/L-228 për Zgjedhjet e Përgjithshme në Republikën e Kosovës-LZP, me çka ka nxituar qytetarët kundër Lëvizjes Vetëvendosje dhe ka përdorur gjuhë denigruese.

Në përgjigjen në ankesa të subjektit politik Partia Demokratike e Kosovës (PDK), theksohet si në vijim: Ankesën A.nr.374/2025 dhe Anr. 375/2025 dhe në afatin e përcaktuar ligjor jep këto përgjigje:

Në përgjigjen e subjektit politik PDK theksohet se nga leximi i publikimit të statuseve të kandidatëve për deputet z. Artan Behrami dhe z. Hisen Berisha, dhe konsiderojnë se gjuha e tyre nuk përmban gjuhë të urrejtjes, pasi që diskursi i tillë i përdorur nga z. Artan Behrami dhe z. Hisen Berisha, hynë në diskursin e fushatës zgjedhore dhe nuk mund të konsiderohen se përdorimi i gjuhës së tillë mund të nxit ose provokon, një person tjetër për të kryer një akt të dhunës kundër personave të tjerë ose pasurinë, po ashtu nuk është në kundërshtim me nenin 34 pika 1.11 të LZP.

Paneli, në kuptim të nenit 9 paragrafi 5, nën paragrafi 5.5 të Rregullores Nr.01/2024, për Procedurat e Parashtrimit dhe Vendosjes së Ankesave të PZAP-it, dhe nenit 84 paragrafi 1 të Ligjit Nr.05/L-031, për Procedurën e Përgjithshme Administrative, me qëllim të ekonomizimit të procedurës, ankesat e evidentuara me numrat si në vijim: Anr.374/2025 dhe Anr.375/2025, janë bashkuar dhe janë trajtuar me një vendim, andaj procedimi i këtyre ankesave evidentohen nën shenjën e përbashkët A.nr.374/2025, për shkak të natyrës së njëjtë të çështjeve të parashtruara nga subjekti i njëjtë politik LVV kundër subjektit të njëjtë politik PDK, si për nga përmbajtja ashtu edhe për nga kërkesat e paraqitura të ankesave.

PZAP-i, pasi që shqyrtoj dhe vlerësoi ankesat gjeti se:

-Ankesat janë të pabazuara.

Paneli, pas shikimit të shkresave të lëndës të ofruara si provë materiale, ka gjetur se kandidatët e subjektit politik PDK, dhe atë: z. Artan Behrami kandidati për deputet nga radhët e këtij subjekti

politik ka deklaruar se: “mandatin e fundit qeverisë dhe Kryeministrin Kurti dhe Ministrat tjerë i quan lider përçarës dhe të izoluar nga aleatët” dhe kandidati për deputet nga radhët e këtij subjekti politik, z. Hisen Berisha, ka deklaruar: “ të pa aftë dhe mashtrues” si dhe deklarata se “ Qeveria dhe Ministria duhet të përballen me drejtësinë për tradhëti ndaj interesit shtetëror”. Paneli vlerëson se në rastin konkret nuk kemi të bëjmë me gjuhë denigruese dhe urrejtëse në raport me subjektet politike që marrin pjesë në garën zgjedhore. Diskursi i tillë i përdorur nga kandidatet për deputet nga radhët e këtij subjekti politik z. Artan Behrami dhe z. Hisen Berisha dhe nuk mund të konsiderohet se përdorimi i një gjuhe të tillë mund të nxit ose provokon, një person tjetër për të kryer një akt të dhunës kundër personave tjerë ose pasurisë, po ashtu nuk është në kundërshtim me nenin 34 pika 1.11), e LZP-së, në të cilin nen në mënyrë decisive thuhet se: *“Gjatë periudhës së fushatës, subjekti politik, mbështetësit ose kandidatët e tij, ndalohen nga bërja e ndonjëres si në vijim: 1.11) përdorimi i gjuhës, në formën e shkruar ose gojore, që nxit ose provokon, ose që mund të nxisë ose provokojë, një person tjetër për të kryer një akt të dhunës kundër personave tjerë ose pasurisë, ose e cila nxit apo mund të nxisë urrejtje kundrejt të tjerëve ose duke publikuar ose përdorur fotografi, simbole ose çfarëdo materiali tjetër që ka ose mund të ketë ndikim të tillë”*.

Andaj Paneli, bazuar në provat e ofruara ka ardhur në përfundim se gjatë mbajtjes së fushatës zgjedhore të mbajtur me datë 03.02.2025 në fshatin Kqiq të Komunës së Mitrovicës dhe në qytetin e Istogut kandidatet për deputet nga radhët e subjektit politik PDK, ka vlerësuar se përdorimi i një gjuhe të tillë nuk bie në kundërshtim me nenin 34 pika 1.11), e LZP-së.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa

Anr.374/2025 më datën 07.02.2025

Kryesues i Panelit
Skender Coçaj



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.